

---

**Activitads**

---

**Edituras ed editurs da video elavuran produziuns da video per incumbensa da schurnalistas e reschissurs.**

Dal material furnì da schurnalistas, glied da la camera ed operaturs da tun taglian e monteschan edituras ed editurs da video contribuziuns prontas per l'emissiun. Els/ellas cusseglian las incumbensadras/ils incumbensaders en dumondas da la dramaturgia, dal linguatg figurativ e dal ritmus da tagli e fan attent ad irregularitads tranter maletg e tun.

Il champ da lavur tanscha da la reportascha actuala sur emissiuns da magazin e da sport, documentaziuns, soaps e films da kino enfin a produziuns multimedialas.

Edituras ed editurs da video dovran per lur lavur ina vasta structura tecnica: plazs d'elavuraziun cun systems da tagliar linears e nunlinears, moniturs, pults da maschadar il tun, apparats d'effect, generaturs da la scrittira etc. Edituras ed editurs da video enconuschan las pussaivladads tecnicas dals meds da produziun e pon applitgar quellas a moda adequata. Els/ellas enconuschan las tendenzas actualas dal linguatg figurativ ed applitgeschan quellas per concepir las contribuziuns.

En in emprim pass da lavur vegnan tschernidas sequenzas da maletgs che vegnan alura ordinadas, scursanidas e restructuradas. Plaun a plaun sa furma dals fragments in entir armonic che sto satisfacer a tschertas pretensiuns esteticas. Edituras ed editurs da video ston savens lavurar sut grond squitsch da temp per in termin d'emissiun fix. Quai pretenda d'esser versà en il diever da la tecnica e da pudair decider spert.

Per la lavur al plaz da tagliar dovri ina concentrasiun maximala. L'observaziun nuninterrutta dals moniturs ed a medem temp stuair chapir ed analisar infurmaziuns formalas e tematicas, alura era las relaziuns da glisch malruassaivlas – tut quai è fitg stentus e chaschuna in grond squitsch fisic e psichic.

**Champ prof. 20**  
Cultura**Scolaziun**

---

**Basa**

En Svizra na datti nagina scolaziun reglamentada sin plaun federal.

**Pussaivladads da scolaziun**

La firma da produziun technology and production center switzerland ag (tpc) scolescha edituras ed editurs da video en in stage. Glied dal fatg cun experienscha introducescha en la lavur da questa professiun. Curs cun cuntegn specific per las medias davart temas sco dramaturgia, linguatg figurativ e furmaziun da la personalitad sco era scolaziuns tecnicas cumpletteschan la lavur pratica.

**Cuntegns e scolaziun fundamentala:**

- enconuschientschas da l'elavuraziun electronica da contribuziuns da maletg
- basas da la dramaturgia e dal linguatg figurativ
- elavuraziun da contribuziuns dal grad da difficultads mesaun
- maschaida dal tun tar contribuziuns curtas

**Durada**

1½ fin 2 onns, tenor la furmaziun preliminar ed il tempo d'emprender

**Finiziun**

Certificat final

## Premissas

- Per la scolaziun interna tar tpc:
- finiziun d'ina scolaziun professiunala da basa en il sector creaziun (p.ex. fotografia) u electronica
  - buna imaginaziun visuala e spaziala
  - buna furmaziun generala, interess per ils eveniments mundials
  - bun sensori, abilitad da lavurar en ina gruppa
  - musicalitad e sentiment per il ritmus
  - abilitads extraordinarias da concentraziun e da communicaziun
  - abilitad da supportar squitschs fisics e psychics
  - enconuschientschas fundadas da la tecnica da computer
  - bunas enconuschientschas da linguas estras
  - nagina deblezza da vesair las colurs

D'avantatg èn era enconuschientschas preliminaras ed ospitanzas tar produziuns da video, tar la creaziun da spots da reclama u tar autras interpresas da produziun da televisiun.

## Professiuns Parentadas

Maschadader/-dra dal maletg tar la televisiun  
Fotograf/a  
Um/dunna da camera

## Furmaziun supplementara

**Curs e seminaris**  
Purschidas da tpc e d'organisaziuns en Svizra ed a l'exteriur (purschidas sut [www.focal.ch](http://www.focal.ch))

**Scol'auta spezialisada**  
Grad universitar da bachelor u master en in sector parentà, p.ex. Bachelor of Arts (FH) en communicaziun visuala

Champ professiunal

20	0.814.42.0
6	0.814.17.0
20	0.814.40.0

## Relaziuns da lavur

Edituras ed editurs da video vegnan emploiads da firmas da film, video u televisiun a temp cumplain u en collavuraziun libra. I vegn lavurà en squadras da la damaun e da la saira, era durant la fin d'emna e dis da festa. La lavur en localitads climatisadas e stgiras strapatscha fitg la vesida e l'udida.

La tecnica sa mida spert e perquai è la glieud da professiun sfurzada da sa perfecziunar cuntinuadamain. Per sa famigliarisar cun las novas tecnologias e pussaivladads da creaziun dovri fitg bler iniziativa persunala.

La midada en la bransch da film e pussaivla cun la scolaziun supplementara correspondententa.

## Ulteriuras infurmaziuns

technology and production center switzerland ag  
Human Resources  
Fernsehstr. 1-4  
Postfach  
8052 Zürich  
Tel: 044 305 40 30  
[www.tpcag.ch](http://www.tpcag.ch)

Revista spezialisada::  
"Production Partner"

Infurmaziuns generalas:  
[www.berufsberatung.ch](http://www.berufsberatung.ch)